

21

FESTINATIO
B. VIRGINIS
ELISABETAM
IN VISENTIS

Latinè, Græcè, oratoriè, ac poeticè
pertractata.

à

STÉPHANO GRADIO RAGVSINO
OCTAVIO CVSANO MEDIOLANENSI
FRANCISCO MARIA RHÒ MEDIOLANENSI

Sem. Rom. Con.

Accesserunt harmonica metra actionibus interiecta.



R O M A E,
Ex Typographia Francisci Corbelletti. MDCXXXI.

SVPERIORVM PERMISSV.

Imprimatur, si videbitur Reuerendiss. P. Mag. Sacri Pa-
latij Apostolici.


A. Episc. Bellicastren. Vicesg.

Imprimatur.

Fr. Nicolaus Riccardius Sacri Palatii Apostolici Magister
Ord. Præd.



VIRGINEM
A FESTINATIONE
DEHORTABATUR
STEPHANVS GRADIVS RAGVSINVS.



ATIEMVR igitur Virginem, quæ flos est
Virginum, ex Vrbe Nazareth, ipsa florum pa-
tria subito nobis creptam in syluestria mon-
tana recedere? patiemur hoc, inquam, nos,
ò sodales, qui nunquam detonsis, diffusisq;
semper nostrorum erga illam affectuum quo-
dammodo crinibus, & ipso ætatis flore piera-
ti Partheniæ consecrato Nazarei Virginis

huius sumus? Christus, hoc est, bonorum omnium copia, ipsum
Diuinitatis patrimonium, quo sumptus omnes mundi sustinet Au-
ctor gratiæ, atq; naturæ, Dominæ visceribus nupero satum repou-
nitur; nos thesaurum simul allatum, simul ablatum auolare aliò
tolerabimus? Hanc si virtutem patientiæ vocatis sodales, ferocia
mihi præclarior est. Hanc si normam prudentiæ facitis, malo desi-
pere contumaciter, quam sic stolidè sapere. Abeuntem igitur Virgi-
nem vnus pro omnibus ita compellans, quantum potero, retardabo.

Mirabar quorsum euaderet sermo ille prolixus Angeli tecum,
ò Calitum Augusta mirabilis. Et primò quidem veniebat in men-
tem, vt olim Abrahamo Ratim à diuina colloquutione egredien-
dum

dum fuit de terra, de cognatione, de domo sua, ita cum primum in diuini oratoris venisti colloquium, è paterno solo recedendum tibi fuisse. Verùm contra se res habet, nisi me fallit amor præsentis tuæ. Oppidum enim, quod reliquit Abraham ex impura Cal-
dæorum vicinia profanum erat: Ciuitas verò, quam deseris, Nazarenorum est, separatus, inquam, à turbis contaminatis locus, totius Palestine delubrum, sanctissimis religionibus consecratum; vt si alibi habuisses domicilium, nunc enim uerò plena Deo, in hanc Urbem Nazareth, hoc est in habitationem Deo sacram, recipere te magnis itineribus debuisses. Sed fortasse festinatione præpropera interius aliquod penetrale Numinis, Hierosolimam vsq; petis, vt propiore gratia tibi Deum adiungas, actura gratias in augustissimo templo Salomonis: quasi tu post angelicam congressionem Propitiatoriũ facta ipsa non sis, quæ non Legis tabulàs seruas, sed ipsum possides Legislatorem. Et cursores quidem in stadio summa celeritate properant, sed, vt palmam adipiscantur: obtenta enim meta, ac præmio, conquiescunt, omnisq; natura sine percepto intermittit actionem, ac motum. Tu verò, cum ex diuino conceptu, bonorum omnium metàm attigeris, palmamq; tuleris felicitatis immensæ, quid cursum instituis, & quò volas? Aquila enim uolat ad escam, sed ea comprehensa consistit: tu cibum, quo Mundus omnis alitur, visceribus iam tenes, & auolas. Nemo te profecto insequitur. Satis citò, si satis bene: breui moriuntur herbæ, quæ nascuntur breui: robustiores quippe arbores effertur tardius, & sicut vulnus dilatione redditur insanabile, sic remedium, quale tecum habes, immoratione reddit optimam sanitatem. Sed Zachariæ paruulus infans tua iã dudum eget opera ægrotus in utero: accurrat ad nos Elisabeth, quæ Prodrumum gestat in sinu: cur munus illius anticipas, cur præcurrimus præcurso? Illa quidem anus effœta Ioannem occlusit gremio sagittam electam, qua nihil fertur velocius: festinet ergo. Tu quæ Christum, hoc est catulum Leonis ascensurum ad prædam, visceribus accepisti tuis, lentè progredere: tardè succrescit ille, quid properas? quæcunq; egregia futura sunt, serò proneniunt. At ego nunc serò tandem festinationis tuæ causam intelligo: nimia familiaritate cælestium, quæ perennibus aguntur cursibus, motibusq; celestibus, humanæ tarditatis oblita in mores altissimi ætheris degeneras; sanè tu in subli-

me raperis imitatione factorum, vitæq; tuæ ducem, & officiorum magistrum vnum Cælum attendis: circumspēcta, quæso te, pellucētem æthera fortibus oculis (si tamen oculos à Sole, quem circumfers tecum, potes ad vulgaria hæc astra deiicere) videbis orbes illos, aëstorum sedes volubiles, quò sublimiores sunt, eò tardiores ambitus circumflectere. Cum ergo supremum fastigium nunc primò teneas sanctitatis, & gloriæ, infra quam curricula sua peragunt virtutes hominum reliquorum, quò repente euolas, quid te vniuersam profundis? cunctari maxime omnium debes, sydus minime erraticum, & cynosura mortalium. Sed, vt video, non ad stellatorum corporum disciplinam erudiris amplius: mentium empyrearum fingeris institutis ac moribus: ex quo enim te postremo sermone imbuit diuini Caduceator amoris, stare loco non potes; meram cōbibisti naturam Angelorum, quos ideò nudos, & expeditos, alatos ac volucres pingimus, quòd Deus illos vt præcones suos, ac nuncios instar ventorum, atq; flāmarum mobiles, semperq; ætuose fecerit. Verum aut ego despio, aut quid tandē sapere te docuit hic magister? Neq; enim tu administra Cæli, partes nuncij, aut tabellarij suscipies ex conceptu Numinis, imò verò Domina, & matrona Cælestium, Dei nupta, & futura Genitrix cū sis, naturam non angelicam illam volaticam, & inquietē sapere te decet, sed planē diuinam, hoc est maiestate, & lenitate plenissimam Deus enim ille, qui fecit Angelos suos spiritus, & ministros suos ignem vrentem, de se cū Elia locutus, voce delata per spiritum grandem, flammæumq; dicebat: Non in commotione Dominus, non in spiritu Dominus, non in igne Dominus, sed in sibilo auræ reuis: illius, opinor, auræ, quæ conclusa in horto per flores rosarum, & lilia conuallium spatiatur semper, id est procul à Nazareth volitare non solet. Verum si tandem Vrbe Nazarena cedere decretum est tibi: vide quò velificeris auræ huius aspiratione tam valida. Iuga montium petis inculta, atq; deserta, itinere longo, vario, aspero, saltuoso, prærupto, infesto etiam latrocinij, puella cum sis, ætate mollis, viribus imbecilla, peregrinationibus insueta, ex pudore tarda, ex conceptu etiam timida ne quippiam dāni sequatur. Quid si medijs ex alpebus, montibusq; ceraunijs exul postliminio Patriā repeteres: patria per tot discrimina, talibus incōmodis, tanta festinatione peteretur? Venit hic etiam in mentē nutrix illa præpropera, quæ filium Saulis Regis:

gis educabat ; hæc enim cū salutē aliquando consulens, cursum via deterrima , & celerrima contentione teneret , puerum altero pede lædens claudum reddidit , & Claudium appellauit . Nihil tale quidem metuendum nobis est in præsentia ; infans enim, quem tecum vehis, vel ipsum genus humanum vacillantibus pedibus semitam virtutis ingressum firmabit ad cursum. Tibi potius cauendum est , ne cum cæli satu recenti grauida sis, quassata subitis motibus, locum des aliquem ægrimonix, atque fastidio . Sed fallimur . onus tuum leue est, salus est ipsa omnem leniens ægritudinem , mera iucunditas effervescentes, mera festiuitas efflorescens , vt ipsa abeundi festinatio nihil aliud sit, quàm sensus æstuantis primò voluptatis, exultatio lætitiæ gestientis . Verùm hæc , vt ita sint bellè, ac præclarè , tamen adhuc lentè procedendum videtur , vt quò magis beata iam es , eo minus efferrī animo videaris .

D I X I.



9

CVM VIRGINÈ

DE FESTINATIONE

DE LIBERABAT

OCTAVIVS CVSANVS MEDIOLANENSIS.

Oratio Gracè habita Latine sic reddita.



LII festinanter de festinatione decernant : mihi consilium est consultare : neq; enim citius offerenti pretium mens humana venditur : Sed si venales sumus, vendamur quam plurimò . Ea propter intus , & in cute dubitandum est : diès quippè certa speratur , si prius vacillet oriens incerta luce . Sic Proteus multifariam titubasse dicitur in fallacibus simulacris , vt in vna deinde consisteret veritate . Igitur ad æquandam prudentiæ trutinam reuocemus momenta contraria rationum , neq; cædamus à libramento, donec Veritas præponderans vel ad quietis centrum nos deprimat, vel ad itineris festinationem attollat .

Pulcra dicitur Nazareth , quæ relinquitur, sed potens est, ac regia Iudæa, quæ petitur. Et obtemperata quidem palma cursores desistunt : sed cum ad ciuicam coronam seruandus in vtero Ioannes inuitet nos, opus est venire, videre, vincere . Volant aues , vt capiant escam, sed cibo quoque recreatæ volitant ; plantæ etiã, atq; animantes brutæ quò robustiores sunt , eò tardius enascuntur ; momento tamen exeritur hominis animus immortalis . Et cælestium sanè orbium Superiores quiq; segnioribus seruntur circulis, sed supremus diurna conuersione celerimur est .

B

cemus

cemus empyreis / Cherubim sicuti bouinis insistentes ad Arcam
pedibus tarditatem notant, ita pennis insigniti quaternis celerita-
tem docent. Deus ipse, qui per sibilū auræ tenuis Eliæ loquebatur
Antistiti, legem Israelitico populo tulerat per tonitrua, & fulgu-
ra: modo quiescit in accubitu suo, modò volat super pennas ven-
torum: quamvis enim crura sponsus habeat columnas marmoreas,
similis tamen est dilectus capræ, hinnuloq; ceruorum. Si subita
per valles festinatio Miphbosethum debilitavit pedibus, caput
Mosis auxit cælesti lumine mora, quam habuit in monte cum

Deo. At Ioannis munus est præcurrere: eundum igitur est,

ut emittatur è vinculis. Denique si prætexas iter lon-

gum, & arduum; quid amore nudo, pennato, vo-

lante velocius / quid amanti denique diffi-

cile sit / Illud enim uerò deliberanti dif-

ficillimum est: momentis ratio-

num ira paribus ferre senten-

tiam. donec igitur ti-

mor, aut amor li-

tè adiudicet,

consulte-

mus.



11
VIRGINIS
FESTINATIONEM
ADORNABAT

FRANCISCVS MARIA RHÒ MEDIOLANENSIS
COSMETA VIATORIVS.

Carmen

EROPARTHENICVM MARIANVM

Trimetri heroici cum trochaicis,
canonici omnes.



CONSULTVM satis hoc iam . nunc
facto est opus : aureo
Sic puncto decreuit amor , prospera-
re necessum est.
Ite leues anima , verni suspiria
mundi ,
Et Zephyris aptate diem . mitissi-
ma Diuum

Aspera nimborum , Solisque pericula tentat ,
Conspirate habiles , & Solem , & nubila contra .
Verum ego quid auras moueo ? quid ventos ago
Male feriatus Aeolus ? partes mea
Fuerant puellam calitum incuntem vias ,
Nauigium olympi plurimo afflatum Deo
Ornare seruo , & carbasus leuissimis ,
Accingere , inquam , Virginem viario
Peplo , cosburno , pallio , tinctu , mitra
Vt pulcra , tuta , diues , impigra prouolet .

Libertus etenim Virginis magna in domo
 Castè educatus, stirpe de venundata
 Genitoris Ada, viuo cum vernaculis
 Tinctura eadem stirpitus quondam improbis:
 At ubi caduco numine in Diua sinum
 Pressit tribunal gratia pupus Deus:
 E seruitute liberos misit manu
 Parthenidas omnes accolas, caelestium
 Ritu, & Quiritum retulis in censum atheris.
 Ego tamen aliam seruitutem hic seruiō.
 Mancipium amoris sponte captum ex hostico:
 Placent catbena, ut alligèr Domina magis.
 At nulla cernis vincula, illesas manus:
 In corde gesso compedes, ibi verberor
 Virgis amoris, equuleumque innoxium
 Ibi, patior, ibi gesso in Gemoniis.
 Sed vna mihi data cautio in praesentia est,
 Ut properè adornem Virginem ad cursum incitum,
 Imò ad volatum: tanta festinatio
 Gliscit medullis; fulmen excepit, reor,
 Satu recenti numinis Virgo hac parens.

- ,, Fulmen illa hausit profecto, fata amoris flamine,
 ,, Inde montes quærit, aulam flaminumque & fulminum.
 ,, O Gygantum quas ruinas cerno in vno hoc fulmine?
 ,, Nos quid ergo! siabrum amoris corda si circumsonat,
 Mar.3. ,, Si genus sumus tonantis, filij tonitruum,
 ,, Fulminis matrem sequamur per procellam, & turbinem.
 Ego verò ubi sum! celerisatis hic furor
 Instar procella, ac turbinis mentem è sinu,
 Memoriam & omnem maneris nostri expulit.
 CHRISALE ego te compello pbrygionum optime,
 Texterne amoris Dedale, & cali aurifex,
 Deprome pallam hic splendidam, in qua flexile
 Aurum imbuisi plurima argutum nota,
 Regina charitum Caritas aurum dedit.
 Ibi verna hortus arte conclusus tua,
 Cupressus ibi montana, campestris viret

Oliua,

Oliua, picto platanus assurgit vado,
 Libanotis astra cedrus exaquat comis,
 Dotale sponsi lilium emergit rubis,
 Inter sorores floreas biericuntia
 Maior minores opprimit violas rosa,
 Vt Domina reliquas Virgines vultu domat.
 Quaecunque Salomon pronuba cecinit fide
 Amoris argumenta diuini, omnia
 Duxisti in aurum sericas inter vices,
 Vt crispula undat & fulgidè opere, atque pretio
 Saturata, textu varia, fastu regia est.

Haud aliter cum prima sui stipendia amoris
 Expleret Salomone peregrina Virgine captus,
 Adstitit à dextris sponsi Regina superbi
 Vestis inaurata vario circumdata limbo,
 Natales oblita domos, Regisque potentis
 Iussa petens, animum bibulas exprompsit in aures.

Psal. 44.

Vnum male omisisti, opiner, Chrisale,
 Pingere acu, amoris fertilem historiam mei,
 Quo deperire hanc Virginem ocepi furens
 Sanè, atque sartè longior sed ilias
 Foret illa: tempus postulat, alias tibi
 Dabo exarandos cordis annales mei.
 Prome interim istam purpuram, Agni sanguine
 Lotam, frequenti textilem palma, auream.
 Dignam triumpho: certa nam victoria
 Nostra hac Amazon vadit. Elisabet sinus
 Exhibet arenam, perduellis Tartari
 Praesto est Ioannis corde, ceu curru insidens;
 Sed Fulmine hostem Virgo detrudet loco.

, Fulmen illa hausit profectò fata amoris flamine,
 , Inde montes quarit, aulam flaminumque & fulminum:
 , Fulminis Matrem sequamur, filij tonitruum.

CESTIE volo te adesse confestim mihi
 Caelator admirande, qui leni manu
 Euisceras metalla, gemmas vulneras,
 In arte dura delicatè barbarus,

Ades,

- Ades, oro, cestum, CESTIE, asser asperum
 Signis: fluentem Virginis firma sinum,
 Calum, inquam, adacto cinge Zodiaco meum,
 Quod ego pererro stella non exorbitans
 Noctu, diuque. cingulum, redde ocyus,
 Cui fabricando sculptilemque, & scalptilem
 Materiem adornat Castitas. una hac potest
 Rapere subacti numinis amorem magis
 Quam cestus olim Veneris infensum Iouem
 Dicatur allexisse cytheream in facem.
 Hic non Gygantum pugna squammatos Deos
 Mouet in achate setili, aut Amazonum
 Cruštarius triumphus efformat grauet
 Zonas colorum transitu mirabiles,
 Vt Palladem olim Pbidias pupugis suam:
 Sed pacis argumenta ventura mouens
 Frequens columba plumulis argenteis,
 Dorsoque fulgens aureis palloribus
 Volat subinde smaragdinum supra mare,
 Ramosque oliua gutture ostentat pio.
- Psal. 67. Haud aliter rigidum cum pacaturus olympum
 Intraret pauidus torui augustale Tonantis
 Fulgidus in cidari, limbisque sonantibus Aron,
 Ductilis in girum plumari emblemate pictus
 Balisbeus urgebat medios ad pectora cinctus;
 Strenua non mulier, metris celebrata vetustis
 Talia permutans Cananeo tradidit unquam
 Cingula, diuitias cum pratergressa sororum
 Transfugeret patrios peregrina merce labores.
- Gen 3. At hic ministra numinis Virgo serax
 Minimo datura Calitum merces nouas
 Longo meatu mancipem agnatam petis
 Complura pondo gratie secum ferens.
 O huius Utinam cara mercimonij
 Vtura tangat me aliqua: in aurum soluerem
 Animi medullas, nundinaturus mibi
 Vel fanerato corde tantillum rei.
- Exo. 19. Parab. 31.

*Quaquam Ioanni quicquid est lucri, obtigit,
 Thesaurus illi splendet, illi ponderat.
 Sed huius auri splendor è Domina sinu
 In nos resulget: imo fulgureum in modum
 Eustrat artus. an (velut sermo tulit)
 Et fulmen aureo igne constari hic putem?*

- ,, *Fulmen illa hausit profecto seta amoris flamine,*
 ,, *Inde montes quarit, aulam flaminumque, & fulminum;*
 ,, *Fulminis matrem sequamur, filij tonitruum.*

*PHANISCE nunc te appello. non audis? cedo
 Hyacinthinum mihi pallium: ut succinctula
 Virago circum candidos humeros legat,
 Geminam & papillam, cuius ubertas famem
 Ipsam Tonantis pascet. Ingenuus Pudor
 Custos honesti textilem massam obtulit
 Operi patrando. carulus quantum placeat
 Color ille & pluuiæ sole guttatam iridem
 Ex parte signat, Virginem plenam Deo
 Serenitatis, cuius in vultu furor
 Magni Tonantis detonat, cuius nitor
 Pacem per vlnas matris annosa vebens
 Spondet Ioanni seculum innube, aureum.*

*Haud aliter formosa pÿ Batuelis origo
 Stirpem Abrabæ Rebecca thoris habitura superbis
 Ut procul inspexit lustrantem passibus agros
 Egregium iuuenem cara sibi lege iugandum,
 Pallia purpureo superegit cæcula peplo,
 Mox vultu propiore virum inter vota trementem
 Exbilarans, nubem ex animo disluminat omnem.*

Gen. 24.

*Sed cordis utinam nubila serenet mihi
 Hac Iris; utinam bella restinguat: meas
 Nam castra dudum mouit in venas amor,
 Meque innocenti pralio inflammat pius.
 Non sic pyropus ille, quo Virgo plicans
 Ceruici adbatat pallium, ardescit palam:
 Ut intus ardet cor, merus carbunculus.
 Verum pyropus clarior gremio latet*

Domina,

*Domina, per artem stantis inclusus Dei,
Vbi primum in altis montibus resulserit,
Præstringet oculos hostium. iam fulgurat.*

- ,, *Fulmen illa hausit profectò feta Amoris flamine,*
,, *Inde montes quarit, aulam flaminumque, & fulminum:*
,, *Fulminis matrem sequamur, filij tonitruum.*

*SANDALIO ades buc, doctus ingenuos pedes
Ornare bullis, lunulis, crepitaculis,
Stellare soccos fulgidis armillulis,
Stellis & armillare consulgentibus,
Argento adacta tortili inuolucula
Sparsum frequentans aureo internodio.
Affer choturnos expolitos, impigros
Peregrina amanti. cuius hac calis fuit
Captiua nunquam, nudipes ferri nequit.*

Ezech. 16

*E melis ergo pelle calceolos leues
Expone, quos colore cyaneo indicos*

Arabica margarita baccatim asperet.

Gemma illa puerum signat in Diua sinu

Celestis ille congruit pedibus color,

Gen. 31.

Nam supera scandunt feruidi, calum petunt,

Stygij Draconis capite sed presso petunt.

Iudic. 10.

Haud aliter Vidua monstrum admirabile forma

Astuta Iuditta ferox pietatis in armis,

Factitias vibrata comas, cincta beatas

Letitie tunicas, nardo irrorante papillas,

Illustri syrias penetrauit fraude pbalanges.

O quantam illecebram passu crispante corburni

Spirauere Duci. Syria de flirpe Gygantem

Iam Phrygium fecere Parim: iacuit resupinis

Corporibus. vigilans contra betbulis Amazon

Casariem complexa, caput dispefecit ingens

Inde triumphalem cum vertice sustulit harpen.

At hic Virago nupta desponso Deo

Viduanda nunquam, noxium Disis caput

Ioannis è ceruice depellet ferox:

Gen. 3.

Occuluit ensen flammeum sinu intimo,

Qui

Qui non reposti claustra Paradisi segis .

Flamma excubante : sed supernas in domos

Iter impeditum luce fulminea expedit .

3, *Fulmen illa hausit profecto, fata amoris flamine;*

3, *Inde montes queris, aulam flaminumque, & fulminum:*

3, *Fulminis matrem sequamur filij tonitruum .*

VMBRILLE mentem aduerte, paucis te volo,

Qui Solis æstum nube complicatili

Lenire nosti, proser æstutum mihi

Vmbraculum versatile, æstiuæ ut facis

Demitigare Diua contumaciam

Cicumoluto machinamento quæst

Quamquam illa solem corde signifero gerens

Illustriorem, forte opacabis diem .

Certè Manasses, ille Iudithæ caput

Dum manipulandis messibus animum locat,

Phæbo per æstum seminante incendia

Commune fatum messuit: mortem intulit

Internecina luce viuendum Pater:

Contra hic beata messe fasciculus grauis

Inter papillas commoratus affatim

Lectusque gremio Virginis magna latet:

Innoxius ni fallor effuso æthere

Sol obuoluto lumine infantem colet:

Namque ipse quondam fronte veneratus pia

Sopitum Ioseph, iura regnandi obtulit

Diuinus Auspex, quicquid hoc tandem fiet,

Cauto est opus, nunc ergo propugnaculum

Salus æstiuæ affer Vmbrille ocyus

Ut quæ alio ab igne iam calescit plus satis

Bona Diua, nostro more non exæstuet

Haud aliter scopulos Arabum cum Moise magistro

Cara Deo premerent duodenis agmina turmis

Æthere siccato pluuijs arsuræ fauillis;

Ecce tibi medio fuscata in Sole columna,

Nubigena superum digito compatiibile donum

Æstis & tonitru sterilis, nec fulmine sæta

C

Æstiuumque

Iudith. 9.

Cant. 2.

Gen. 37

*Exod. 13
14.*

Aestiuumque diem nocturno albore sefellit.

Apoc. 12.

Sed fallimur profecto: non umbras amat

Trabeata Sole mulier: imo operam male

Apoc. 12.

Perdidimus omnem: nempe nec nostros volest

Inducere cultus: cerne: stellarum aureo

Mitrata ferto est: Delia patritios

Pedes reuinxit, Sole tunicata undique.

Quid agimus ergo? summa votorum fiet

Posse fugientem persequi, & si opus suat,

Velamina haec conuehere mutatoria.

Sed illa subiti terga ceu Zephyri premens

Volat per auras impetu acta fulminis.

Ego hic relinquo: facta voto baud consonant.

Vt modò volebam per procellam, & turbinem,

Aquilone, & Austro, Zephyro, & Euro promptior

Volitare? Nunc vel plumbea testudine

Sum tardior: quanquàm animus ubi nunc est meus?

Resant pedes: mens: nulla. nempe abiit volans

Domina auolante. taceo. nam secum illico

Si cor abiit, consistere hic lingua baud potest.



AFFLATAE DEO
PEREGRINAE VIRGINI
COMITATVS FLAMINVM
TEMPERAT
METRICEN CONFVSANEAM
PERSONÆ

Aeolus, siue principium, & causa naturalis
Ventorum

CHORVS VENTORVM

Boreas, Auster, Eurus, Zephyrus

ECHO DVPLEX.

MELOS PRIMVM.

Vnus ex
Cho.



ERNIS ut ardet celerare fugam
Meus hic ardor Dia Virago?
Forte relictis ardua terris,
Gremiumque breui succincta Deo
Vaga per montes pergit in astra
Clarius astris.
Quid ventorum pigra iuuentus
Quid tandem agimus?

Chorus O nobis lice at turbine florido
Ductricem superum ducere Virginem,
O quam facili sede feremus.
Super & pennas, humerosque super
Pondus dulce, dulcè feremus.

Vnusex *Aeole quid cessas? ventos immitte secundos.*

Cho. *Rumpe ventorum catenas, solue pennas flaminum.*

Alternis *Spirat illa amoris aura: mitte; conspirabimus.*

Flagrat illa amoris aestu; mitte: conflagrabimus.

Currit illa: nos concursabimus.

Volat illa: nos conuolabimus.

Confulgurabimus, si fulgur est.

Confulminabimus, si fulmen est.

Vnusex *Cella mundi Virgo soluit; solue pennas flaminum,*

Cho. *Rumpe ventorum catenas: nulla restat seruitus.*

Mitte ventos Aeole, Aeole ventorum Rex.

Acolus *Comprime sonitum, siste tumultum.*

Rauca iuuentus.

Nam si pacis alumna.

Virgo Regina quietis.

Vaga per montes quaris olympum.

Maior olympo;

Non ego vos patiar Celo decurrere aperto.

Turba ferox, sacrumque diem temerare profanis.

Flatibus, ac tonitru: compefcite protinus omnes.

Nimborum fremitus, tempestatumque fragores.

Boreas *Nullus fremitus; nulla procella.*

De me sonabit Virgini.

Sic spondes Boreas, Aeole crede.

Zeph. *Sic spondes Zephyrus: Aeole crede.*

Nullus fremitus, nulla procella.

De me sonabit Virgini.

Aust. *Nullus fremitus, nulla procella.*

De me sonabit Virgini.

Sic spondes Austus, Aeole crede.

Eur. *Sic spondes Eurus, Aeole crede.*

Nullus fremitus, nulla procella.

De me sonabit Virgini.

Chor. *Ventis crede bonis, Aeole crede tuis.*

Aeol. *Flatus inanes, mobiles.*

Stabilem, solidam seruare fidem?

Non me libenter praebeo credulum.

*Noui ventorum ingenium fallax,
Audax ventorum ingenium noui.
Ni mihi constet iurata fides,
Non praesto fidem.*

Bor. *Ego Boreas per montes voueo,
Sic aeternum dominetur hyems.*

Zeph. *Ego Zephyrus per campos voueo.
Vernamque simul Chlorida testor.*

Eur. *Eurus ego per nubes voueo,
Sic me florens aurora iuuet.*

Aust. *Auster ego per nimbos voueo,
Sic me diues iuuet Autumnus.*

Acol. *Verum si Dominum fallitis Aeolum,
Que periuros poena manebis?*

Zeph. *Audi nunc Aeole Zephyrum. si fallit Zephyrus,
Nullo cingat flore capillum.*

Ch. *Nullo cingat flore capillum, si fallit Zephyrus.*

Bor. *Audi nunc Aeole Boream. Si fallit Boreas,
Nullo tergat flabra sereno.*

Chor. *Nullo tergat flabra sereno, si fallit Boreas.*

Aust. *Austrum exaudi nunc Aeole. Si fallit Auster,
Nullum possis fundere nimbum.*

Chor. *Nullum possit fundere nimbum, si fallit Auster.*

Eur. *Eurum exaudi nunc Aeole. Si fallit Euris,
Nullo viuat Sole renatus.*

Chor. *Nullo viuat Sole renatus, si fallit Euris.*

Acol. *Quid faciam? quam saepe fides properata sefellit?
Consilia in melius recident, ubi singula cernam.
Ergo taciti consultemus.*

Chor. *Aeole quid cessas? &c.*

MELOS ALTERVM.

Vnusex Chor. **R**ES in praecipiti est, tu dormis Aeole? Virgo
In montana abiit; media nos rupe sedemus?
Aeole: ni posses aperis, furiosa videbis
Agmina ventorum patrium disperpere montem.

Chor. *Aeole ni postes &c.*

Acol. *Sistite, fauebo, sistite.*

Dulce ac decorum est, si sobolis mea

Obsequium dignata ferat Matrōna Tonantis.

Illud cauendum, nostrā ut hac omnis opera

Indemnis, opportuna, frugifera fiet.

Quem vestrum iubeo Calo regnare priorem?

Dicite singuli,

Quem vestrum igitur prius emittam?

Bor. *Mitte, Pater, Boream, Boreas cum stirpe sonora*

Harpyas pepulit; fluctus cum pelleret Argo.

Aust. *Harpyas Erebi Virgo disperdidit omnes.*

Non opis ergo tua

Indiga Diua est:

Cave, ne mittas Aeole Boream,

Aeole, Boream, cave, ne mittas.

Chor. *Cave ne mittas &c.*

Aust. *Nam si tu Boreae sceptrum concedis olympi*

Horribili quatesacta metu natura gelascit

Frigore iam Virgo exanimata est.

Bor. *Gestat à quantam in gremio fauillam*

Matrōna Virago,

Non timet illa gelu, quæ mundi frigora soluet.

Aust. *Frigora si soluet; non illi frigora grata.*

Cave ne mittas Aeole Boream,

Cave faxis, cave faxis Aeole.

Chor. *Cave ne mittas &c.*

Zeph. *Mitte Pater Zephyrum. Zephyrus pacator olympi*

Festiuum teneris concinnat floribus annum.

Eur. *Ipsa satis semet concinna est Virgine Virgo.*

Nil opis ergo tua

Indiga diua est.

Cave ne mittas Aeole Zephyrum,

Aeole Zephyrum cave ne mittas.

Chor. *Cave ne mittas &c.*

Eur. *Nam si tu Zephyro regnum per sydera donas;*

Ludio ventorum puer hic eneruis olympi

Cincin-

Cinnamatus, casariatus

Flosculorum cyrrulis

Laxe praeinctus parasitus chloridis, orbem

Frangit delicijs, totumque effaminat annum.

Zeph. *Delicijs pugnare Deum cum Virgine cernis:*

Ergo decet clypeare papillas

Floribus, & vernis galeam fabricare corollis.

Eur. *Non amat haec flores: fructum maturat in vlnis.*

Cave ne mittas Aeole Zephyrum,

Cave faxis, cave faxis Aeole.

Chor. *Cave ne mittas &c.*

Eur. *Eurum mitte igitur: nam ventis promptior Eurum*

Afflatum cum Sole diem super aethera tollis.

Zeph. *Aetbere demisit summo in sua viscera Solem*

Pulchrior haec Aurora die per sydera victrix.

Nil opis ergo tuae

Indiga Diua est.

Eurum contineas, Aeole, turbidum.

Cave ne mittas Aeole turbidum.

Chor. *Eurum contineas &c.*

Zeph. *Euro si laxas caeli permittis habenas,*

Nubila contorquet, distendit, circinat, undas

Modò grandine, modò turbine, modò fulgure

Secum pugnae rupto semper

Federe discors.

Eur. *Pacis Diua parens satis est concordia mundo.*

Zeph. *Ergo pium ducet procul à discordibus eum.*

Eurum contineas Aeole turbidum.

Cave ne mittas, cave faxis Aeole.

Chor. *Eurum contineas &c.*

Aust. *Austrum mitte igitur: ventis facundior Ausser.*

In sobolem terras animas pluuiatibus undis.

Bor. *Certa haec est sobolis pluuio grauidata Tonante.*

Nil opis ergo tuae

Indiga Diua est.

Austrum contineas Aeole morbidum.

Cave ne mittas Aeole morbidum.

Austrum

Chor. *Austrum contineas &c.*

Bor. *Per nubes si iura dabit teterrimus Auster
Inflator cerebri, fluida contagia pestis
Afflabit misero, spirator plumbeus orbi.*

Aust. *Plumbeus est Auster? gerit intra viscera flammæ
Virgo quibus soluat lentæ vitium omne metalli.*

Bor. *Dignatur aurum flamma virginea unicum,
Non attingit vile metallum.*

*Austrum contineas Aeolæ morbidum,
Cave ne mittas, cave faxis Aeolæ.*

Acol. *Si mihi vestrum quisque ex aquo...
Suspectus erit,*

Nullum ego dimittam, vel mittam protinus omnes.

Chor. *Omnes, omnes, omnes, omnes
Aeolæ mitte.*

MELOS TERTIVM

Acol. **S***I placet, hoc agite.
Per certâ ventos munera diuidam,
Sed legem dabo singulis.
Abi, tu Boreas, licet,
Hac lege tamen iuratus abi.
Suspensio per inane gradu lenissimus astra
Nubibus absterfis illustri pingue sereno
Cetera nil moueas; turbinem, & impetum
Interdico.*

Bor. *O me beatum centies.*

Chor. *O te beatum centies!!*

Bor. *Aeolæ ne timeas:*

*Cetera nil moueo. frontem vernantis olympi
Stellarumque genas crispata luce recludam.*

Echo *CLVDAM. LVDAM.*

Bor. *Nubila cludam, ludamque simul,*

Ludetque puer clusus in utero

Secumque festus orbis emicabit.

Echo *MICABIT. ABIT.*

Micabit

- Bor. *Micabit infans gaudio: sed latior
Virgo abit in montes: nos hic etiam sedeamus?*
- Echo *E A M V S. E A M V S.*
- Chor. *Eamus omnes, omnes eamus, eamus.*
- Acol. *Eure vola: per me poteris, si iura capeffis,
Ne claro nimium potens sereno
Sol artus tenera Virginis incoquat:
Subinde olympum texe vaporibus,
Nubium dependularum candicanti umbraculo
Instar aurora tueare Diuam.
Cetera nil moueas: turbem, & impetum
Interdico.*
- Eur. *O me beatum centies.*
- Chor. *O te beatum centies.*
- Eur. *Aeole ne timeas,
Cetera nil moueo. tantum me praeside rerum
Squammatas aether nubilis argenteis
Vultum conuelabit opacum,
Cblamidemque feret simul albentem
Simul obscuram.*
- Echo *CV RAM. V RAM.*
- Eur. *Curam curabo banc, ne Phæbus urat.
Vret Virgo caput stygit
In Ioannis pectore.
Hinc rebus iam Pluto suis malè conclamabit.*
- Echo *A M A B I T. A B I T.*
- Eur. *Cali puerum pupus amabit
Sed modo mater
Virgo abit in montes: nos hic etiam sedeamus?*
- Echo *E A M V S. E A M V S.*
- Chor. *Eamus omnes, omnes eamus, eamus, eamus.*
- Acol. *Nunc tibi pandos fores Auster: sed iussa facesse,
Vbi Virgo ocellos noctis imperio dabit,
Tu nimbulo solutus
Sydera, Cali oculos, pluuia suffunde nitenti.
Sic serupeam humor molliet orbitam
Nec feruor atri pulueris ingruet*

*In faciem Dominae volantis.
Cetera nil moueas: turbinem; & impetum,
Interdico.*

Aust. *O me beatum centies.*

Cho. *O te beatum centies.*

Aust. *Aeole ne timeas,
Cetera nil moueo: tantum mitissima Cali
Tractabo molli brachio
Fletumque per dulcissimum
Nocturna coget astra collabascere
Nimbus auræ dulce confusus.*

Echo *FVSVS. VSVS.*

Aust. *Fusus imber rore paruo
Magnus usus Virgini
Neque tamen vestis limbum
Neque pectoris puluillum
Neque verticis capillum
Vna guttula irrigabit*

Echo *RIGABIT. ABIT.*

Aust. *Sinum Ioannis dulce rigabit
Nimbus Charitum, nimbus Amoris.
Hinc præpropera*

Virgo abis in montes: nos hic etiam sedeamus?

Echo *EAMVS. EAMVS.*

Cho. *Eamus omnes, omnes eamus, eamus, eamus.*

Accl. *Nunc verò procreate puer clementibus astris
Huc ades ò Zephyre;
Te penes imperium cali. dominare, triumphare.
Terraque cum pelago sub tua iura fluant:
Nam similis Domina es, quamuis discrimine longo
Sudus es? illa serenior.
Fertilis? illa feracior.
Dulcis es? illa suauior.
Floridus? illa beatior.*

Cho. *Zephyrus Domina similis est,
Similis Domino, similis Domina
Zephyrus est. Hoc age Zephyre*

Scena